

## 21 октябр - Ўзбек тили байрами куни



05:16 / 21.10.2025 518

Бугун ўзбек тилига давлат тили мақоми берилганига 36 йил тўлди.

Тилни севиш, уни ардоқлаш, миллатни севиш ва уни қадрлаш билан тенгдир. Ҳар бир халқнинг турмуш тарзи, урф-одатлари, маданияти унинг тилида ўз ифодасини топади.

Бирон сўз санъаткори йўқки, тил, сўз, нутққа эътибор қилмаган бўлса.

Ҳазрат Навоий:

*«Сўз келиб аввалу жаҳон сўнгра,*

*Не жаҳонки кавн ила макон сўнгра»*, деб бежизга айтмаганлар.

Тил ва сўзнинг сеҳрини унга меҳр қўйганлар яхши англашади.

Турк дунёсининг буюк маърифатпарварларидан бири Исмоилбек Гаспирали ўз битикларида: «Миллатнинг икки асоси бордур. Бу уларнинг тили ва динидур. Агар миллат ҳаётидан шу иккисидан бири суғуриб олинса, бу миллат таназзулга юз тутур», дея ёзиб қолдирган.

Туркий тиллар оиласига мансуб ўзбек тили тахминан 5-7 асрларда ўрхун-энасой битикларига бориб тақалади. Маҳмуд Қошғарийнинг «Девону луғотит-турк» асари туркий тиллар тарихи, шу қаторда ўзбек тилшунослиги учун ҳам муҳим манба саналади.

Юртимизда 1989 йил 21 октябр куни Ўзбекистон Республикасининг «Давлат тили ҳақида»ги Қонуни қабул қилинди.

Дунёда 5600 дан ортиқ тиллар мавжуд бўлиб, булардан тахминан 200 тасигина давлат тили мақомида ва улар орасида ўзбек тили ҳам бор.

Биз ўз она-тилимизни асраб-авайлашимиз, унинг нуфузини янада оширишимиз, гўзал ва софлигини авлодларга мерос сифатида қолдиришимиз, дунёга танитишда ўз ҳиссамизни қўшишимиз лозимдир.

**Барчангизга Ўзбек тили байрами муборак бўлсин!**